



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 244. Quæ sit obligatio Principum circa Judices statuendos & manutenendam justitiam.

**urn:nbn:de:hbz:466:1-42600**

insertis testamento profano non habenti solennitates juris, *Tiraq.* de privil. piæ causæ privil. 4. 15. & 7., possuntque videri dicta l. 3. p. 2. à n. 1130.

**1423** §. III. Judex, per se loquendo, si absit scandalum. non peccat, si ferat sententiam in peccato mortali, ut cum communi *Suar.* de Leg. l. 3. c. 10.

**1424** Q. 244. Quæ sit obligatio Principum circa Iudices statuendos & justitiam manutenenandam. R.

§. I. Tenetur Princeps curare, ut Judices habeat doctos, prudentes, probos, misericordes, ne videlicet aliquid in officio tanti momenti agant vel imperite, vel improvidè, vel malignè, vel crudeliter, & si id negligent Principes, Deus his imputat illorum errores & vitia, quia ad hoc constituuntur Judices, ut loco Principum jus dicant; immò Principes per illos jus dicunt, ergo quales Judices statuant, tales ipsimet volunt coram Deo esse in dicendis sententiis, ergo si statuant imperitos vel improbos, volunt jus dicere tanquam imperiti vel improbi: Ex his colligitur, teneri Principem adhibere iudiciis illos, quos censet aptissimos, simili modo quo à n. 58: diximus digniores admovendos curæ animarum, sunt enim rationes eadem.

**1425** §. II. Vitia Judicium tantò magis noxia sunt, quantò cum majore autoritate vel potentia sunt conjuncta, hinc meritò dixit *Sped.* 16. caut. 1. non expedire, ut iudiciis admoveantur magni Prælati, præsertim qui impetuosi sunt, ne autoritate dominantur, nec sit, qui iis obniti audeat, si ab æquo deflectant. Addit Caut. 7., quoniam plurimi existimant impunitatem Iudicium non parvam esse causam, cur conscientiae plerique laxæ sint, curabit Princeps de eorum delictis fieri certior, & sicubi exerraverint, severè in eos animadverteret.

**1426** §. III. Non excusatur Princeps, qui omni curâ à se

à se rejecta Officiales, & maximè Judices finit pro libitu agere, sed tenetur ipse suam quóque diligentiam & inspectionem adjungere, *Spe d. 9.* Ratio est, 1. Quia Princeps tenetur providere publico, nec semper est certus de peritia & probitate suorum, imò sæpe est defectus illorum, ergo tenetur suā curā supplere, quod deest, ac semper invigilare, ne quid deficiat. 2. Si Princeps solis informationibus alienis credat, nec per se velit audire miseros, vel attendere ad causas, hoc ipso armat suos ad audendum quidvis pro libitu, odio, invidia, avaritia, respectibus humanis: *Hoc ignorare Princeps non potest*, inquit *Spe*, peccat igitur, si omnem sollicitudinem & inspectionem à se excludat: *Quamvis autem Spe loquatur de processu circa Sagas, tamen idem valet in omni materia iustitiæ.* 3. Ipsimet Judices & Officiales supponunt Principem simul attendere ad manutinentiam iustitiæ, ergo ad hoc tenetur Princeps. *Anteced. prob.*, Nam si ejusmodi homines admonentur sui officii, dicere solent, *Princeps scit, revulsi Principi, Princeps audivit, non improbarit. ipse viderit &c.* E contrà Principes dicunt, *ad hoc habeo meos Officiales, illis commisi, non possum ipsem omnium, ipsi viderint &c.* quis hic circulus est? inquit *Spe*: Nam cùm & hi & ille viderit, nemo viderit, nisi Princeps ipse curam adjiciat; & ideo etiam *I. I. n. 456.* diximus non semper satisfacere suæ conscientiæ Principes, si Confiliarios sequantur.

§. IV. Non est satis, si Princeps, etiam sæpius, 1427  
mandet, ut omnia rectè fiant, nam bene dicit *Spe d. 20. n. 12.*, in his causis tanti momenti non satisfacere conscientiæ suæ Principem, si quid rectè mandet, nisi etiam ad executionem eorum advigilet: Et ratio patet, quia experientia docet, quām sæpe manda ejusmodi suspendantur aut detorqueantur.